

鼓塹泉

喬宇

自太原西南其泉溉田最多利民久者莫若晉祠之泉自平陽西南其泉溉田最多利民久者莫若龍祠之泉自絳州以北其泉溉田最多利民久者莫若鼓塹之泉其泉發源於九原山之西鼓塹者或曰其北突有二山高圓如鼓則泉以形似而名志曰泉上有塹如覆釜形履之聲如鼓則泉以聲似而名泉有清濁二穴清在北濁在南北穴為石口尺五許自漚而為池幅員一丈其深稱是中有小魚喁喁往來沙石間池溢而南折而東流南穴為土口尺許亦漚池溢而北折而東合於清流泉之西則隆然高原其南北皆平疇低野亦資泉而溉幽村明墟垂楊道藏輯要

天下名山記
山西鼓塹喬

西

軫集五

灌木帶接陂塘間其東則經連緯通溉田至於絳州亦五十里而南並入於汾穴上二山在西者昔人樓其上傲然三楹壁間有唐宋石刻樊宗師司馬君實者皆在焉山之南麓有蓮池時花未開俯而望焉清芳可掇復覽遠畦近塍碧稻千頃不覺興酣因賦詩泉上而歸